

61. þing Sundsambands Íslands Íþróttamiðstöðinni Laugardal 6. og 7. mars 2015

Pingskjal nr: 2015 - 11

61. þing Sundsambands Íslands haldið í Íþróttamiðstöðinni í Laugardal 6. og 7. mars 2015

samþykkir meðfylgjandi tillögur til breytinga á lögum sambandsins. (ath! Breytingar einkenndar með rauðu)

5. grein

Sundþing fer með æðsta vald í málum SSÍ. Sundþing sitja fulltrúar héraðssambanda og íþróttabandalaga *ásamt fulltrúum félaga* sem eiga aðild að SSÍ. *Hvert héraðssamband/íþróttabandalag má senda einn fulltrúa á sundþing. Hvert félag sem á skráða iðkenndur við næstu áramót fyrir sundþing, á rétt á tveimur fulltrúum fyrir allt að 30 virka iðkenndur í sundíþróttum og einum fulltrúa fyrir hverja 30 iðkenndur í sundíþróttum eða brot úr þeirri tölu eftir það. Að auki mega félög sem eiga skráða keppendur í sundíþróttum senda 1 fulltrúa til viðbótar á sundþing fyrir hverja 50 keppendur eða brot úr þeirri tölu eftir það.*

Fjöldi fulltrúa sambandsaðila reiknast miðað við að hann eigi skráða iðkenndur í sundíþróttum, fjölda virkra keppenda í einstaklingsgreinum og fjölda keppenda í sundknattleik, við næstu áramót fyrir sundþing. Hver sambandsaðili má senda einn fulltrúa á sundþing. Að auki á sambandsaðili rétt á tveimur fulltrúum fyrir allt að 30 virka keppendur í sundíþróttum og einum fulltrúa fyrir hverja 30 keppendur í sundíþróttum eða brot úr þeirri tölu eftir það. Sundþing skal haldið annað hvert ár, á oddatöluári, jafnan í febrúar eða mars. Stjórn SSÍ boðar og staðfestir staðsetningu og fyrirkomulag sundþings með minnst 6 vikna fyrirvara. Málefni og tillögur, sem sambandsaðilar óska að tekin verði fyrir á þinginu, skulu kynnt stjórn SSÍ minnst mánuði fyrir þing. Þá kynnir stjórn SSÍ sambandsaðilum dagskrá og málefni þingsins í síðasta lagi hálfum mánuði fyrir þingið. Sundþing er lögmett, ef löglega hefur verið til þess boðað. Rafræn boðun er lögmett ásamt tilkynningu á heimasíðu SSÍ. Ekki er heimilt að stofna til keppni í sundíþróttum þá daga sem sundþing fer fram og þá er óheimilt er að halda sundþing á sömu dögum og íþróttþing eða formannafundur ÍSÍ fara fram. Þau ár sem sundþing er ekki haldið boðar stjórn til formannafundar í febrúar.

Greinargerð

Breyting á 5. grein laga SSÍ er tvenns konar, annars vegar fá félögin að senda fulltrúa á sundþing ásamt héraðssamböndum og íþróttabandalögum og svo er gerð breyting á hvernig fulltrúafjöldi félaga er fundinn út. Í gildandi lögum eru eingöngu fjöldi keppenda bak við fjölda þingfulltrúa en með breytingunni eru bæði iðkenndur og keppendur sem ráða fjölda þingfulltrúa. Þetta miðar að því að þau félög sem ekki hafa sent keppendur á mót eigi örugga fulltrúa á sundþingi og er liður í því að breikka hreyfinguna. Þetta gæti fjölgað mögulegum þingfulltrúum eitthvað.

7. grein

Dagskrá sundþings er:

1. Þingsetning – ávörp gesta.
2. Kjör kjörbrefanefndar.
3. Kjörnir þingforseti/ar og þingritari/ar.
4. Tillaga um heiðursviðurkenningar SSÍ afgreidd.
5. Niðurstaða kjörbrefanefndar kynnt.
6. Kosning starfsnefnda þingsins.
 - a) Fjárhagsnefnd
 - b) Laga- og leikreglnanefnd
 - c) Allsherjarnefnd
 - ~~d) Mótanefnd.~~
 - e) d) Aðrar nefndir, ef þörf krefur.
7. Skýrsla stjórnar.
8. Endurskoðaðir reikningar lagðir fram.
9. Umræður um skýrslu stjórnar, starfsnefnda og reikninga.
10. Afgreiðsla reikninga.
11. Tillögur sem lagðar eru fyrir þingið samkvæmt fundarboði - kynntar og vísað til nefnda.
12. Tillaga stjórnar um fjárhæð og fyrirkomulag þjónustugjalda.
13. Nefndastörf.
14. Fjárhagsáætlun - afgreiðsla.

61. þing Sundsambands Íslands
Íþróttamiðstöðinni Laugardal
6. og 7. mars 2015

Þingskjal nr: 2015 - 11

15. Afgreiðsla lagabreytingatillagna.
16. Afgreiðsla annarra tillagna frá starfsnefndum.
17. Kosningar. a) Kosning formanns til fjögurra ára á næsta sundþingi eftir Ólympíuleika. b) Kosning fjögurra stjórnarmanna á sundþingum sem haldin eru á oddatöluári til fjögurra ára. c) Kosning tveggja varamanna til næsta sundþings d) Kosning tveggja skoðunarmanna reikninga til næsta sundþings
18. Önnur mál.
19. Þingslit.

Greinargerð

Tillaga um breytingu á 7. grein laga SSÍ miðar að því að fækka fastanefndum sundþings, þar sem málefni mótanefndar hér áður fyrr var fyrst og fremst mótadagskrá sambandsins sem samkvæmt breyttu vinnulagi og reglum SSÍ er unnin á annan hátt en áður, ásamt reglugerðum einstakra móta og fleiri málefni sem miðað við vinnulag í íþróttahreyfingunni á heima í Allsherjarnefnd eða Laga- og leikreglnanefnd. Með þessu er þó ekki komið í veg fyrir að sundþing geti skipað fleiri vinnunefndir hverju sinni eftir þörfum.

12. grein

Stjórn SSÍ kallar eftir tilnefningum frá kjörnefnd amk mánuði fyrir sundþing. Að auki skal stjórn SSÍ tilnefna formenn nefnda og sérstaka fulltrúa stjórnar í nefndir á fyrsta fundi sínum eftir sundþing. Á fyrsta fundi nýrrar stjórnar staðfestir stjórn skipan í ~~eftirtaldir~~ starfsnefndir sem starfa í umboði stjórnar SSÍ í samræmi við lög og aðrar samþykktir Sundsambands Íslands og skal starfsmaður SSÍ eða einn stjórnarmaður ~~yfirleitt~~ taka sæti í hverri nefnd. Stjórn skipar einnig formenn nefnda og skulu starfsmenn SSÍ eða stjórnarmenn ekki gegna formennsku í starfsnefndum sambandsins nema sérstaklega standi á.

Aga og siðanefnd
Fræðslu- og kynningarnefnd
Kjörnefnd
Landsliðsnefnd
~~Móta- tækni- og dómarnefnd~~ – Dómara-, móta- og tækninefnd
Sundíþróttanefnd

Þjálfaranefnd

Aðrar nefndir sem stjórn SSÍ telur nauðsynlegt að taki til starfa

Stjórn ~~er heimilt að skipa~~ skipar nýja fulltrúa í nefndir í stað þeirra sem forfallast eða hætta störfum á starfstímabili. Hlutverk, starfssvið og umboð starfsnefnda skal skilgreint með sérstakri samþykkt *stjórnar SSÍ á hverjum tíma*. Sundsamband Íslands er aðili að dómstólaskipan ÍSÍ, án þess að gildandi séu sérákvæði.

Greinargerð

Tillaga um breytingu á 12. grein laga SSÍ miðar að því að setja Þjálfaranefnd með sem eina af fastanefndum sambandsins, ásamt því að heimila stjórn með skýrum hætti að mynda þær nefndir sem hún telur nauðsynlegar og getur mannað milli sundþinga. Þá er gerð nafnabreyting á einni nefnd í samræmi við venjur og hefðir Dómara-, móta- og tækninefndar. Einnig er kveðið skýrar að orðalagi í greininni.